



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/21-1-40-462-2/21**
Datum: **09.11.2021. godina**

«Agencija za vodno područje rijeke Save» Sarajevo rješavajući po zahtjevu pravnog lica „BINGO“ d.o.o., Tuzla za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta tržnog centra u Čeliću općina Čelić na osnovu člana 200. Zakona o upravnom postupku («Službene novine Federacije BiH», broj 2/98, 48/99), **donosi**

RJEŠENJE

1. Odbija se zahtjev pravnog lica „BINGO“ d.o.o., Tuzla za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta tržnog centra u Čeliću, na zemljištu označenom kao k.č. broj: 1252/1, 1252/4, 1252/6, 1252/7, 1252/8, 1252/9 K.O. Čelić, općina Čelić, s obzirom da za predmetnu aktivnost nije propisana obveza pribavljanja vodnih akata od strane ove Agencije.

Obrazloženje

Pravno lice, „BINGO“ d.o.o., Tuzla svojim zahtjevom zaprimljenim 30.09.2021. godine, zatražio je izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta tržnog centra u Čeliću, na zemljištu označenom kao k.č. broj: 1252/1, 1252/4, 1252/6, 1252/7, 1252/8, 1252/9 K.O. Čelić, općina Čelić.

U provedenom postupku dostavljena je i pregledana sljedeća dokumentacija:

- Ovjerena kopija rješenja o izmjenama podataka broj: 032-0-Reg-21-000406 od 30.03.2021. godine izdato od Općinski sud u Tuzli;
- Ovjerena kopija zemljišnoknjižnog izvotka broj: 032-0-NAR-21-010236, zk uložak broj: 2584 od 15.09.2021. godine izdato od Općinski sud u Tuzli;
- Kopija katastarsko-knjižnog uložka broj: 2256, broj: 05-26-1262/21-2 od 12.08.2021. godine izdato od Službe za urbanizam, stambeno-komunalne, imovinsko-pravne i geodetske poslove, općina Čelić (prilog u Studiji);
- Ovjerena kopija Saglasnosti za priključenje na gradski-javni vodovodni sistem broj: 03-809/21 i broj: 03-810/21 od 15.09.2021. godine; izdata od JKP „Čistoća“ Čelić;
- Ovjerena kopija Saglasnosti za priključenje na gradski-javni kanalizacioni sistem broj: 03-808/21 i broj: 03-811/21 od 15.09.2021. godine; izdata od JKP „Čistoća“ Čelić;
- Ovjerena kopija Uvjerenja da se tržni centar „Bingo“ ne nalazi u zoni sanitarne zaštite izvorišta vodosnabdijevanja ili u neposrednoj blizini drugih vodnih objekata broj: 03-812/21 od 15.09.2021. godine izdato od JKP „Čistoća“ Čelić;
- Kopija Obavjesti da nije potrebna okolinska dozvola za izgradnju poslovnog objekta „Bingo“ broj: 12/1-19-018729-21 od 16.09.2021. godine izdata od Ministarstvo prostornog uređenja i zaštite okolice, Tuzlanski kanton;
- Studija za izdavanje prethodne vodne saglasnosti za poslovni objekat tržni centar „Bingo“ P.J. Čelić, općina Čelić, registarski broj: 10-129/21, broj protokola: 3144/21, urađena od „TQM“ d.o.o., Lukavac;
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu uvida u dostavljenu dokumentaciju utvrđeno je sljedeće:

- Lokacija na kojoj je planirana gradnja nalazi se na zemljištu označenom kao k.č. broj: 1252/1, 1252/4, 1252/6, 1252/7, 1252/8, 1252/9 K.O. Čelić, općina Čelić.
- Namjena objekta je poslovno-prodajni prostor.
- Predmetni poslovni objekat će biti priključen na gradsku vodovodnu i kanalizacionu mrežu.
- Oborinske vode sa kruga poslovnog objekta planiraju se ispuštati u otvoreni kanal uz postojeću saobraćajnicu i u tom smislu je potrebno pribaviti saglasnost organa u čijoj je nadležnosti predmetna saobraćanica.
- Južno od predmetnog objekta protiče rijeka Šibošnica na udaljenosti od cca 170 metara.
- Prema dostavljenoj Studiji predmetni objekat se ne nalazi u području vodnog dobra niti će dolaziti pod uticaj velikih voda rijeke Šibošnice ranga pojave 1/100 godina.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu rješenja.


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Remić Dž., dipl.iur.

Po ovlaštenju
Rukovodilac sektora za zadržavanje vodnih akata

Hariš Ališehović, dipl.inž.građ.

Dostaviti:

- „BINGO“ d.o.o., Tuzla
- Ul.Bosanska poljana bb, Tuzla
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava